

Decisiuns dalla radunanza comunala Surses

La radunanza comunala Surses digls 27 da mars 2023 ò

- approvo cun 76 vouchs cunter 1 vouch igl credit d'impegn da net da CHF 750'000.00 (incl. TPV) per realisar l'equipaziun digl Gôt Grond tranter Tinizong e Savognin, cun resalva dall'approvaziun antras la regenza e la garanzeia dallas contribuziuns aint igl rom garantia da circa 77%. La suprastanza comunala vign a madem taimp incumbensada cun l'execuziun;
- approvo cun 68 cunter 11 vouchs la lescha davart igl adiever da fis artificialis digl cumegn da Surses, siva d'aveir stritgia igl art. 8 tgi vess lubia alla suprastanza da pudeir conceder lubientschas excepziunalas per fis artificialis. La lescha vo an vigour per data digl conclus dalla radunanza comunala;
- decidia unanimamaintg da prolungar igl contract d'amprest existent da CHF 2'000'000.00 cun la Pendicularas Savognin SA - tgi era nia concedia per la construcziun dalla telecabina da Savognin a Tigignas - anfignen igls 31 da december 2023. Pigl onn current vign incasso en tschains da 2%, retroactivamaintg a parteir digl 1. da schaner 2023;
- decidia cun 81 vouchs e sainza cuntervouch da lubeir la separaziun dalla surfatscha parziala da 632 m2 dalla parcella cun dretg da biagier nr. 5450 an possess da Fredy von Büren e la fusiun dalla surfatscha correspondententa cun la parcella cun dretg da biagier nr. 5452 an possess dalla Devonas Gips AG. Igl barat vign registro aint igl codesch funsil cun en'aggiunta, sot la resalva digl consentimaint da tots dus retschaveiders digl dretg da biagier;
- approvo unanimamaintg igl credit d'object da CHF 240'000.00 per ramplazzar la centrala termoelectrica sen distanza dalla serenera a Cunter. La suprastanza comunala vign a madem taimp incumbensada cun l'execuziun;
- piglia cunaschientscha dallas expectoraziuns davart igl ulteriour proceder an connex cun la realisaziun digl project d'investiziun "arena da sport La Nars a Savognin";
- piglia cunaschientscha da diversas infurmaziuns.

Igl protocol dalla radunanza comunala digls 27 da mars ò da neir publitgia igl pi tard en meis siva la radunanza cun en termin d'exposiziun da 30 deis. Igl termin d'exposiziun exact vign communitgia a taimp util aint igls figls uffizials digl cumegn.

Tinizong, igls 28 da mars 2023

Suprastanza comunala Surses